

Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...


Complectens ea quæ ad Sacmenta & mores pertinent

Abelly, Louis

Coloniæ Agrippinæ, 1659

Sect. I. Vtrum extrema vnctio sit sacramentum, & quis sit ejus minister.

urn:nbn:de:hbz:466:1-38979



CAP V T VI.

De Sacramento Extreme vunctionis.

SECT I O I.

Vtrum Extreme vncio sit Sacramentum, & quis sit eius minister.

EXTREMA VNCIONIS nomine intelligimus vunctionem olei benedicti, quæ infirmo in extremis posito confertur à Sacerdote, adiunctis certis precibus. Hanc autem esse verum, & proprium nouæ legis Sacramentum, à Christo Domino institutum, negauerunt olim VValdenses, & Albigenses, & nunc etiam negant Lutherani, & Calvinistæ; affirmat verò Ecclesia Catholica, & tanquam dogma fide credendum proponit: cuius quidem veritas simul, & erroris oppositi falsitas demonstratur.

Primò ex his S. Iacobi cap. 5. verbis: *Infirmitur quis in vobis? inducat Presbyteros Ecclesia, & orent super eum, vngentes eum oleo in nomine Domini: & oratio fidei saluabit infirmum, & alieniabit eum Dominus;* & si in peccatis sit, remittentur ei: quibus verbis exprimuntur omnia, quæ ad Sacramenti rationem requiruntur; scilicet ritus aliquis externus, nempe olei vncio; deinde promissio gratiæ illi adiuncta, quatenus per illum ritum peccata remitti dicuntur; ac deinde institutio diuina; neque enim Apostolus adeò constanter, & absolutè gratiam illam promitteret, nisi Christus Dominus hoc ita instituisset, ac fieri præcepisset.

L 4

Secun-

Secundò, ex Concilio Cabilonensi (quod temporibus Caroli magni celebratum est) cap. 48. vbi dicitur *Infirmos secundum beati Iacobi documentum oleo, qui ab Episcopo benedicitur, debere à Presbyteris ungii: & paulò post allegatis ipsius S. Iacobi verbis subdit, Non esse parvipendendam eiusmodi medicinam, quæ anima corporisq[ue] medetur languoribus.* Item ex Concil. Florent. in decr. Eug. & Trid. sess. 14. c. 1. de Extrema u[n]dicio[n]e, vbi habetur: *Hoc Sacramentum institutum à Christo Domino nostro, apud Marcum quidem insinuatum, per Iacobum autem Apostolum, ac Domini fratrem, fidelibus commendatum, ac promulgatum.*

Tertiò ex SS. Patribus, qui huic sacrae u[n]ctioni viae sanctificandi & peccata remittendi tribuant; vt S. Iohannes Chrysostomus lib. 3. de sacerdoti. vbi dicit Sacerdotes non modicum nos regenerant, sed etiam, cum infirmos oleum ungunt, indulgere peccata; quod ex citatis S. Iacobi veritate confirmat: & S. Augustinus serm. 215. de tempore in quo dominus superueniente infirmitate agrotum accipere debet Christi Domini corpus, & exinde proprium eius conuengendum esse, vt impleatur in eo illud, quod scripsit: *Infirmatur quis in vobis, &c.* additumque hoc ad corporis sanitatem, & peccatorum indulgentiam tineat.

Quod autem spectat ad ministrum huius Sacramentorum est, solum Sacerdotem ritè ordinatum, p[ro]t[er] Sacramentum hoc valide administrare. Ita S. Thomas in 4. dist. 25. q. 2. a. 1. & alii communiter: estque fide, vt constat ex suprà relatis S. Iacobi verbis, *Imeat presbyteros Ecclesia;* tum ex Concil. Trid. sup. c. 3. verba illa S. Iacobi explicans dicit, *Proprios huius Sacramenti ministros esse Ecclesia Presbyteros: quo nomine, eo, non atate seniores, aut primores in populo intelligendu[n]t, sed aut Episcopi, aut Sacerdotes, ab ipsis rite dinari.*

Quamuis autem quilibet Sacerdos Sacramentum valide administrare possit, cum eius administratio,

modo deprecatoria fit, ut infra dicetur non sit proprius actus jurisdictionis, ut ex communi Theologorum sententia docet Isamb. disp. 1. de Sacr. Extr. vñct. nullus tamen Sacerdos id licite potest, nisi sit proprius Sacerdos ille, cui hoc Sacramentum confertur, vel ab eo facultatem habeat: vnde in Clement. 1. de priuileg. prohibetur religiosis Sacerdotibus sub poena excommunicationis sedi Apostolicæ reseruata, & ipso facto incurrandæ, ne hoc Sacramentum laicis, aut Clericis administrent sine licentia propriae Sacerdotis, ut refert Laym, cap. 6. de Extr. vñct.

Exciplunt tamen Doctores casum necessitatis, quando scilicet à proprio Sacerdote Sacramentum illud recipi non potest: v. g. si absit, nec ab illo licentia possit obtineri; tunc enim quilibet Sacerdos etiam religiosus potest validè, ac licite Sacramentum illud moribundo administrare, nec villam ideo incurrit excommunicationem, ut docent S. Anton. Syl. Caiet. Henr. & alii apud Laym. supra.

Quærunt aliqui occasione illorum verborum S. Iacobi: *Inducat Presbyteros Ecclesiæ, vtrum huius Sacramenti minister debeat esse unus, an plures.* Resp. 1. vnum sufficere, ut constar tum ex cap. Quæsivit extra de verborum significatione, tum ex communi Ecclesiæ praxi, quæ nonnisi vnum Sacerdotem ad Sacramentum hoc administrandum adhibere solet. Resp. 2. plures Sacerdotes posse Sacramentum hoc administrare, sive successiue; quando vñctione una, aut altera ab aliquo Sacerdote facta, & forma simul prolatæ, alias reliquas vñctiones facit, & verba formæ profert: sive coniunctim, ita ut uno Sacerdote unam vñctionem faciente, & verba formæ proferente, alii Sacerdotes eodem tempore vñctiones reliquas faciant, ac simul verba formæ proferant: & hic modus administrationis semper quidem validus est; non tamen licitus nisi in duobus casibus. Primus est, si Sacerdos post alias reliquias vñctiones factas subito moriatur, aut in talen infirmitatem decidat, ut reliquias peragere non possit;

possit; tunc enim aliis Sacerdos eius defectum supple debet, non repetendo quæ facta sunt, sed ea quæ sunt perficiendo. Secundus est, quando subest aliquid timendi, ne infirmus moriatur, priusquam unius ministerunctiones omnes perficere possit: tunc enim adfint alij Sacerdotes, poterunt simul unus oculos, aures, &c. perungere, ac unusquisque illorum formoproferre, unctioni illi quam peragit conuenientem. | Suar. disp. 43. sect. 2. nu. 8. Isamb. disp. 5. de Exu. val. art. 2, &c. 3. & plures alij.

SECTIO II.

*Quæ sit materia, & forma huius Sacra-
menti.*

DICENDVM I. materiam remotam Extremationis esse oleum oliuarum ab Episcopo benedicto. Ac in primis quod sit oleum oliuarum, constat ex dicto Eugenij, vbi expressè dicitur, materiam huius Sacramenti esse *Oleum Oliua*: & in Catech. Rom. part. 2. q. 6. declaratur, olei nomine intelligi liquorem, non quauis pingui, & crassâ materia, sed ex olearum tantummodo expressum. Quod autem oleum istud sit apta & sufficiens huius Sacramenti materia, debeat ab Episcopo benedictum, docet S. Thom. in 4. disq. 1. a. 3. & constat tum ex cit. decr. Eug. & Conc. Tress. 14. cap. 1. de Extr. vnct. tum ex ipsius Ecclesie quæ nonnisi oleum ab Episcopo benedictum in huius Sacramenti administratione adhibere consuevit.

Quæres an deficiente oleo benedicto, possit virginitate ad Sacramentum hoc administrandum ab aliis oleum non benedictum, vel illius loco sacramentum. Resp. 1. oleum benedictum, esse de necessitate huius Sacramenti, ut docet S. Thom. S. Bonav. Durand. & i